



Vitæ D. N. Iesv Christi Monotessaron Evangelicum

Heser, Georg

Monachii, 1657

165. Parabola decima sexta, Augustæ portæ, quâ intratur ad cœlum.

Nutzungsbedingungen

[urn:nbn:de:hbz:466:1-56533](#)

horâ non putatis, filius hominis veniet. *Luc.*
12. v. 39. & 40.

MEDITATIO CLXIV.

*Parabola XV. Ficulnea infrugifera,
qua jubetur excidi.*

I. **D**icebat Iesus & hanc similitudinem: Arborem fici habebat quidam plantatam in vinea sua, & venit quærens fructum in illa, & non invenit. *Luc. 13. v. 6.*

II. Dixit autem ad cultorem vineæ: Ecce anni tres sunt, ex quo venio quærens fructum in ficulnea hac, & non invenio: succide ergo illam: ut quid etiam terram occupat? *Luc. 13. v. 7.*

III. At ille respondens, dixit illi: Domine, dimitte illam & hoc anno, usque dum fodiam circa illam, & mittam stercora: & si quidem fecerit fructum: sin autem, in futurum succides eam. *Luc. 13. v. 8. & 9.*

MEDITATIO CLXV.

Parabola XVI. Angusta portæ, quæ intratur ad cælum.

I. **A**it Iesu quidam: Domine, si pauci sunt, qui salvantur? Ipse autem dixit ad

D. N. IESV. CHRISTI. 153

ad illos : Contendite intrare per angustam portam ; quia multi, dico vobis, quærent intrare, & non poterunt. Cum autem intraverit paterfamilias, & clauserit ostium, & incipietis foris stare, & pulsare ostium, dicentes : Domine, aperi nobis : & respondens dicet vobis : Nescio vos, unde sitis : tunc incipietis dicere : Manducavimus coram te, & bibimus, & in plateis nostris docuisti. *Luc. 13. v. 23. 24. 25. 26.*

II. Et dicet vobis : Nescio vos, unde sitis. Discedite à me omnes operarij iniquitatis. Ibi erit fletus, & stridor dentium : cum videritis Abraham, & Isaac, & Jacob, & omnes Prophetas in regno Dei, vos autem expelli foras. *Luc. 13. v. 27. & 28.*

III. Et venient ab Oriente, & Occidente, & Aquilone, & Austro : & accubent in regno Dei. Et ecce sunt novissimi, qui erunt primi, & sunt primi, qui erunt novissimi. *Luc. 13. v. 29. & 30.*

MEDITATIO CLXVI.

*Parabola XVII. De captando inter
conviñas ultimo loco.*

I. **D**icebat Iesus ad invitatos parabolam, intendens, quomodo primos accubi-

G 5 tus